



**Clavis Aurea Thesauri Partheno-Carmelitici, Sive
Dissertatio Historico-Theologica, Referans atque
Exponens Antiquitatem & originem, confirmationem ac
propagationem, beneficia ac privilegia, gratias & ...**

Paulus <Ab Omnibus Sanctis>

Viennæ Austriæ, 1669

IX. Declaratur indulgentiæ Stationum, quas consequi possunt omnes
Christi Fideles, visitando Ecclesias Ordinis Carmelitarum, & modus in hac
visitatione usurpandus.

[urn:nbn:de:hbz:466:1-64293](https://nbn-resolving.org/urn:nbn:de:hbz:466:1-64293)

concessas, modò namque non loquimur de Indulgentijs personalibus nostris Confratribus concessis, sed de localibus, quas consequi possunt omnes Christi Fideles visitando nostras Ecclesias, si fecerint illa opera pia (quorum unum est delatio nostri Scapularis) in quæ GREGORIUS XIII. manus adjutrices commutavit: & propterea Confratres nostri, si cum habitu, seu sacro SCAPULARI aliquam nostrâ Ecclesiam visitaverint, quamvis non septies Orationem Dominicam, & Salutationem Angelicam, nec Vesperas Defunctorum recitaverint, nec ante sanctissimum D. N. Corpus terram deosculati fuerint, modò contriti & confessi, pro hæresum extirpatione, & Christianorum Principum pace, ac sanctæ Matris Ecclesiæ tranquillitate pias ad DEUM preces effuderint, præfatas Indulgentias consequi poterunt. Ita Reverendiss. Theodorus Stratius.

fit illis, qui
fac. gerunt
Scapulare

CAPUT IX.

Declarantur indulgentiæ Stationum, quas consequi possunt omnes Christi Fideles, visitando Ecclesias Ordinis Carmelitar. Et modus in hac visitatione usurpandus.

UM CLEMENS VII. in suprâ citata Bulla indulgentias Stationum Ecclesiarum Urbis, tam intus, quam foris, concessisset, primo Confratribus nostri sacri SCAPULARIS, cum obligatione visitandi unam, duas, vel plures Ecclesias; unum, duo, vel plura altaria, easdem indulgentias postea concessit omnibus utriusq; sexus Fidelibus, non cum obligatione visitandi aliquam Ecclesiam, sed porrigendi manus adjutrices nostris domibus & Fratribus, per hæc verba: *Insuper etiam omnibus utriusq; sexus Christi Fidelibus, qui pro Monasteriorum & Domorum reparatione, ac Fratrum hujusmodi sustentatione, manus porrexerint adjutrices supradictas indulgentias consequi possint, & consequantur.* Quare stante hac concessione, utique Confratres nostri pro iucundis indulgentijs Stationum tenebantur unam, duas, vel plures Ecclesias, unum, duo, vel plura altaria visitare: nihilominus Fideles pro consequendis iisdem indulgentijs ad nullam Ecclesiæ, vel altaris visitationem, sed tantum ad porri-

256.

Quid faciendum sit. Confratribus, ac Christi Fidelibus, ut visitando nostras Ecclesias consequantur indulgentias stationum Romanarum?

Y y 3'

gendas

gendas manus adjutrices nostris locis & Fratribus adstricti erant. Ceterum cum GREGORIUS XIII. in Bulla, *vt laudes.* confirmavit indulgentias Stationum à CLEMENTE VII. nedum Confratribus verum etiam alijs concessas, &, ut pluries diximus, commutari *manus adjutrices* in alia pia opera, imposuitq; ut Fideles contriti & confessi visitarent aliquam nostris Ordinis Ecclesiam, in eaque nomina funderent preces, qui modo consequi volunt indulgentias Stationum obligati sunt, contriti ac confessi aliquam nostris Ordinis Ecclesiam visitare, in eaque certas ad DEUM preces fundere.

257.

Quis modus in Ecclesiarum visitatione observandus ex mente SIXTI V.?

Quo autem Fideles melius noscant, quanta cum devotione debeant nostras, & aliorum Regularium Ecclesias, in diebus Stationum visitare: juvat hic referre piam admonitionem, quam SIXTUS V. paterno sanè affectu, Romanas Ecclesias stationales visitantibus, facta in Constitutione, *Egregia populi Romani.* idibus Febr. 1586. per haec verba: *Illud quoq; vehementius admonemus, ut omnes & singuli stationales Ecclesias cum omni timore & tremore, ut verè poenitentes, castè & pie ad nos nemini dantes ullam offensionem, ne illis in locis, ipsiq; diebus, quibus aliorum temporum culpa pijs operibus, & castis jejunijs redimenda sunt, inter ipsorum tyrum sepulchra DEVS ad iracundiam magis provocetur, sed contra peccatorum Civitatis poenitentia, elemosynis, Sanctorumq; intercessionibus placatus misericordiarum DEVS, nobis, & cunctis populis cura nostra commendatis, (omnes enim unum sunt in Christo) propitijs & placabilis efficiatur; ut ipsorum fides Apostolico ore laudata est, & in universo mundo amantissima, eorum etiam modestia & disciplina ad pietatis & sanctitatis exemplum omnibus Nationibus proponatur.* Et cum tali quoq; modestia, pietate & sanctitate Fideles extra Urbem, nostras & aliorum Regularium Ecclesias, in quibus indulgentia Stationum concessa sunt visitare convenit. Quamvis enim indulgentia Stationum, quatenus concessa erant Confratribus nostris, comprehendantur in generali revocatione indulgentiarum eorundem Confratrum facta à PAULO V. in alias citata Bulla, *Certae.* remanent tamen in suo robore, quatenus concessa fuerunt Christi Fidelibus, mutatis manibus adjutricibus in visitationem nostrae Ecclesiae, & in alia quaedam pia opera: siquidem PAVLUS V. in dicta Bulla revocavit solum indulgentias à suis Praedecessoribus nostris Confratribus, non autem omnibus Christi Fidelibus concessas, uti supra dictum est.

Paulus V. non revocavit in indulgentias omnibus Christi Fidelibus concessas.

Nec ex eo, quod PAULUS V. revocavit indulgentias Stationum, quas primo loco concesserat CLEMENS Confratribus nostris, censendum est, eum illas revocasse, ut concessas secundo loco ab eodem Pontifice Christi Fidelibus, quia licet CLEMENS VII. prius stationes concesserit Confratribus nostris, quam Christi Fidelibus, non tamen istis cum dependentia ab illis, sed omnibus tum Confratribus, tum Christi Fidelibus æque immediatè, & sine ulla dependentia unius concessionis ab alia; quare ex revocatione Stationum quoad Confratres, non resultat earum revocatio quoad Christi Fideles.

Hic obiter animadvertimus, corrigendos esse nonnullos libellos typis mandatos, à quibusdam in privilegijs nostræ Religionis parum versatis, in quibus legitur, quod indulgentiæ Stationum Fidelibus nostras Ecclesias visitantibus concessæ fuerint, non solum à CLEMENTE VII. sed etiam à PIO V. & GREGORIO XIII. nam solum concessæ fuerunt à CLEMENTE VII. modo, quo supra, à PIO V. autem & à GREGORIO XIII. approbatæ & confirmatæ fuere.

UNUM verò est hic diligenter observandum; aliud scilicet esse privilegium lucrandi indulgentias pro stationibus concessas visitantibus Ecclesias Urbis, intus & extra muros in diebus stationum; & aliud esse privilegium lucrandi indulgentias Ecclesiarum Urbis intus & extra, quas consequuntur Fideles ipsas Ecclesias visitando in diebus stationum, id est, in quibus indictæ sunt stationes; longè enim majus est privilegium lucrandi indulgentias Ecclesiarum Urbis; quam privilegium lucrandi indulgentias stationum, seu pro stationibus concessas; non solum quia sunt multæ Ecclesiæ intus & extra Urbem, quæ non sunt deputatæ pro stationibus, & tamen illas visitantibus multæ & magnæ indulgentiæ concessæ sunt: sed etiam, quia in ipsis Ecclesijs deputatis pro stationibus extra dies stationum sunt multæ indulgentiæ illas visitantibus concessæ: & in particulari Fidelibus visitantibus Ecclesiam Lateranensem, quæ est omnium prima, sanctus SILVESTER ad instantiam Constantini Imperatoris concessit, si sine peccato extiterint, remissionem omnium peccatorum, quocunque anni tempore, quod perindè est, ac quotidie; quàm indulgentiam confirmavit postea S. GREGORIUS. In quadam enim magna tabula pendente ex columna secunda à latere dextro navis dictæ Basilicæ leguntur hæc verba: [CONSTANTINS Imperator postquam mun-

258.

Nota discrimen inter indulgentias Ecclesiarum Urbis & indulgentias stationum &c.

datus

datus fuit à lepra per sacri Baptismatis susceptionem, dixit beato SILVESTRO Sancte Pater domum meam in Ecclesiam ordinavi, infunde in eam tuam largam benedictionem venientibus ad eam. Et dixit ad eum beatus SILVESTRUS: Dominus meus Christus, qui te mundavit à lepra, purificavit te fonte Baptismi, per suam misericordiam mundum purificet omnes huc venientes sine peccato mortali, & auctoritate Apostolorum PETRI & PAULI, atque nostra sit eis remissio omnium peccatorum quocumque tempore anni. Item S. GREGORIUS, qui hanc Ecclesiam consecravit, post destructionem ejusdem factam per hereticos, concessit indulgentiam positam per B. SILVESTRUM Papam antedictum.]

ADDO, & id magis facit ad intentum nostrum, quod in Ecclesijs pro Stationibus deputatis, in ipsismet diebus Stationum sunt concessæ Indulgentiæ, quæ nequaquam sunt Stationum, seu pro Stationibus concessæ: nam indulgentia plenaria Ecclesiæ Lateranensis, qua supra, non potest dici concessa pro Stationibus; tum quia concessa visitantibus Basilicam Lateranensem quocumque tempore, & qualibet die; indulgentiæ autem pro Stationibus concessæ, restrictæ sunt ad quosdam certos & determinatos dies; tum quia dictam indulgentiam concesserat B. SILVESTER antequam concessæ essent illæ quæ indulgentiæ pro Stationibus. Quamvis enim SIXTUS V. in dicta Constitutione, Egregia populi Romani, &c. testetur, veterem esse à Apostolicis usque temporibus sacrarum Stationum consuetudinem, in quibus Fidelium multitudo ad Apostolorum sepulchra, & fortissimorum Martyrum memorias conveniens, hymnis & canticis spiritualibus DEUM in SANCTIS suis laudabat, & salutaribus immaculatæ hostiæ sacrificijs placabat, & adversus antiqui hostis impugnationes, tanquam in castris DEI statione tutissima consistebat, S. GREGORIUS tamen primus fuit, qui Stationes ordinavit, determinando illarum dies, & Ecclesias, & in quolibet die septem annos Indulgentiæ concessit.

Quis Pontifex primus ita Stationes ordinaverit, & indulgent. pro illis concesserit?

259.

Fideles visitando, servatis servandis aliquam nostram Ecclesiam

VIDENDUM modò est, an Fideles visitando, servatis servandis, aliquam nostram Ecclesiam in diebus Stationum, lucrentur tantum Indulgentias Stationum, seu pro Stationibus concessas: an Indulgentias Ecclesiarum, in quibus indicæ sunt Stationes? Et effectò, si attendamus *Summarium*, de quo supra, desumptum ex B. GREGORII XIII. *Vt laudes*. videtur dicendum, quod lucrentur tantum Indulgentias Stationum, seu pro Stationibus concessas:

men attendamus Bullam originariā concessionis CLEMENTIS VII. dicendum est, quod consequantur Indulgentias Ecclesiarum, & cetera. Concessio enim dicti Pontificis facta fuit per hæc verba: *Quodq; singulis Quadragesimalibus, & alijs cujuslibet anni temporibus, & diebus Stationum Basilicarum & Ecclesiarum alma Urbis Romæ, & extra illius muros, unam vel duas Ecclesias, aut unum, du, vel plura altaria in partibus illis, ubi eos, seu eorum aliquem residere, seu quò declinare contigerit: quas vel quæ ipsi, vel quilibet eorum duxerint eligendas, vel eligenda, devotè visitando, tot & singulas, ac similes Indulgentias, & peccatorum remissiones consequantur, quas consequerentur, si singulis diebus, easdem singulas dictæ Urbis, & extra eam, Ecclesias pro Stationibus hujusmodi deputatas personaliter visitarent.* Quibus verbis apertè Pontifex Confratribus nostris visitantibus in diebus Stationum aliquam Ecclesiam, non concessit Indulgentias Stationum, seu pro Stationibus indultas, sed Indulgentias Ecclesiarum Urbis intus & extra, quas consequerentur, si dictas Ecclesias in diebus Stationum visitarent personaliter. Quare cum debeamus *Summarium* cum suo Originali concordare, vel dicendum est, quod concedere Indulgentias Ecclesiarum Urbis in diebus Stationum, idem sit ac concedere Indulgentias Stationum, seu pro Stationibus concessas, visitantibus Ecclesias Urbis in diebus Stationum: quæ expositio videtur aliquantulum violenta, cum certum sit ex supradictis, aliud esse lucrari Indulgentias Stationum Ecclesiarum Urbis, & aliud lucrari Indulgentias Ecclesiarum in diebus Stationum. Est etiam minùs consona Bullæ originali, in qua Pontifex expressè concessit Indulgentias non Stationum, sed Ecclesiarum Urbis in diebus Stationum, quam concessionem dicta expositio non parum restringit, coarctando illam ad Indulgentias Stationum Ecclesiarum Urbis intus & extra, in diebus Stationum; vel dicendum, idem esse concedere Indulgentias Stationum Ecclesiarum Urbis intus & extra in diebus Stationum, ac concedere Indulgentias Ecclesiarum, quæ pro Stationibus sunt deputatæ, in diebus, in quibus Stationes sunt indictæ: ita ut coincident, concedere Indulgentias Stationum Ecclesiarum Urbis, ac concedere Indulgentias Ecclesiarum; quæ pro Stationibus sunt deputatæ: & hanc expositionem censeo nos debere amplecti, quia conformis est Bullæ originali CLEMENTIS VII. & non lædit, nec in aliquo restringit dicti Pontificis concessionem, quam certum est GRE-

consequatur non tantum indulg. station. verum etiam Ecclesiarum Urbis &c.

002

du. curat

du. curat

du. curat

du. curat

du. curat

du. curat

du. curat

du. curat

du. curat

du. curat

du. curat

du. curat

du. curat

du. curat

du. curat

du. curat

du. curat

Z z

GORIUM

GORIUM XIII. in sua Bulla, *Vt laudes*. noluisse in ullo lædere, vel restringere, sed solum confirmare, illiq; Apostolicæ confirmationis robur adijcere.

Cum igitur in eadem Bulla CLEMENS VII. indulgentias Ecclesiarum Urbis, in diebus Stationum Confratribus nostris concessas extenderit ad omnes Fideles, cum conditione porrigendi manus ad iurices, quas GREGORIUS XIII. commutavit in visitationem nostrarum Ecclesiarum, & in alia opera pia, concludendum est, quod Fideles visitando, servatis servandis, aliquam nostram Ecclesiam in diebus Stationum, lucrari possint tot & singulas, ac similes Indulgentias, & peccatorum remissiones Ecclesiarum Urbis, intus & extra, quas consequerentur, si singulis diebus Stationum ipsasnet Ecclesias pro Stationibus deputatas personaliter visitarent. Dicuntur autem istæ indulgentiæ, indulgentiæ Stationum, non quia fuerunt concessas solum pro Stationibus, sed quia non possunt obtineri, nisi in diebus Stationum, & à visitantibus Ecclesias Urbis pro Stationibus deputatas.

260.

Utrum sub concessione indulgent. stationum etiam comprehendantur plenariæ?
Opinio affirmans.

QUONIAM autem inter indulgentias, quas consequi possunt Fideles personaliter visitando, in diebus Stationum, Ecclesias Urbis, intus & extra, pro Stationibus deputatas, aliquæ sunt partiales, duorum, quadragenarum, & annorum: & aliæ totales & plenariæ, tum pro vivis, tum pro defunctis; certum est, quod Fideles nostras Ecclesias, servatis servandis, visitantes, lucrari possint indulgentias partiales, an autem possint etiam totales & plenarias, non est ita certum.

Complures affirmativam tuentur sententiam, quia CLEMENS VII. suam concessionem non limitavit ad Indulgentias partiales, sed universaliter elargitus est, omnes & singulas, ac similes Indulgentias, quas consequerentur, si personaliter dictæ Urbis Ecclesias &c. visitarent. Cum autem sumus in dispositione favorabilis animæ, quæ nemini ullum inferat præjudicium, amplianda est ad omnes indulgentias, ad quas verba secundum propriam significationem extendi possunt. Constat autem ea extendi posse ad omnes Indulgentias non solum partiales sed & totales. Et hæc sententia videtur communiter acceptata, & praxi posita. Nam in Tabellis, quæ publicè exponuntur pro indulgentijs Stationum in Ecclesijs, nedum Ordinis nostri, sed aliorum etiam Ordinum, descriptæ quoque leguntur indulgentiæ totales, & plenariæ, tum pro vivis, tum pro defunctis.

Nonnulli nihilominus negant posse Fideles visitando nostras, vel aliorum Ordinum Ecclesias, obtinere indulgentias Ecclesiarum Urbis plenarias; ducti, quia in concessione generali à Principe facta, non veniunt ea, quæ Princeps, si in specie fuisset interrogatus, non concessisset. Dicunt autem non esse credibile, quod Pontifex, quando generaliter concessit Fidelibus indulgentias Ecclesiarum Urbis, si in specie de plenarijs interrogatus fuisset, illas concessisset. Pontifices enim non nisi magna cum difficultate, & raro, etiam Congregationibus pijs, & Religionibus indulgentias plenarias concedunt: dicuntque sic poni in quadam Regula Cancellariæ Apostolicæ, & sic habere etiam stylum Curia. Verum præferenda videtur sententia affirmativa, quàm, disserendo de indulgentijs stationū, tuentur Villalobos, Trullench, Lopez, & Garnica, quos refert & sequitur Diana P. 5. Tr. 12. resolut. 2. Peyrin. Tom. 2. Privil. ad Conslit. 8. Pauli V. §. 11. num. 4. Rodriq. in sum. Ital. §. 8. d. 1. Pellizarius Tom. 2. Tr. 8. cap. 5. num. 195. Quintanadueñas Tr. de sing. ad Sacrament. in Appen. Tr. 6. sub. ult. & alij recentiores. Et ad rationes oppositæ sententiæ respondetur; exprimenda in specie sufficienter exprimi in generali clausula, quando continentur in generali verborum significatione, restricta ad rem, de qua fit sermo (ut notat Sanchez lib. 3. de matr. d. 35. num. 4. & 7.) quod maximè verum est, si consuetudo hanc expressionem admittat, quæ videntur verificari in casu nostro, ut perpendenti facile constabit. Præterea constat de potestate concedentis, & solum dubitatur de ejus voluntate; cum tamen voluntas concedentis indulgentias, juxta superius dicta latè interpretanda sit. At illud de stylo Curia respond. illum fundari in probabilitate oppositæ sententiæ, qui non tollit probabilitatem nostræ sententiæ: præterquam quod stylus Curia variat pro varietate Pontificum, sicut docet ipsa experientia, & notat ex Fagundez Pellizarius loc. supr. cit. qui hæc subjungit in fin. illius num. quæ rationes non minus probant in generali concessione indulgentiarum venire liberationes animarum è purgatorio, quàm probent in ea venire indulgentias, quantumvis plenarias.

Opinio negans.

Præfertur sententia affirmativa.

Sub concessione indulg. Stat. comprehenduntur etiam liberationes animarum è purgatorio.

QUÆRES, an Fideles nostras Ecclesias visitando lucrari possint indulgentias Terræ sanctæ, & sancti Jacobi in Compostella?

261.

RESPOND. Certum videri quod non, inspecta concessione

Z z 2

supra-

supradicta CLEMENTIS VII. cum ipse solùm indulgentias Ecclesiarum Urbis indulserit. Ita Reverendissimus Stratus: qui etiam addit sibi non constare tale privilegium concessum fuisse visitantibus Ecclesias aliorum Regularium, quo per communicationem privilegiorum gaudere possint etiam visitantes nostras Ecclesias, nec hactenus venire potuisse huiusmodi privilegium alicui Religioni concessum esse. Et quia exponere populo indulgentias omnino incertas, rebus multis exposita periculis, tales nulla ratione exponendæ sunt: licet quoad indulgentias plenarias, & liberationes animarum Purgatorij, non desint graves Theologi, qui censent illas comprehendi in generali concessione indulgentiarum Stationum, ut modo diximus, sine tali periculo & incommodo exponi, & publicari valent, jure morem, usumq; aliarum Religionum, idem aut simile privilegium habentium.

262.

TANDEM advertendum, nonnullos explicando, quibus diebus fruente indulgentijs Stationum lucrari possint indulgentiam pro animabus Purgatorij, affirmare, quod illas assequi possunt quolibet quarta Feria anni totius, seu quolibet die Mercurij; quia habetur in *summario indulgentiarum stationum Ecclesiarum Urbis*. Hic tamen est error manifestus. Quia esto concedamus, quod visitantes Ecclesias Urbis Ferijs quartis in quibus indictæ sunt Stationes, possint consequi indulgentiam pro defunctis, in multis tamen Ferijs quartis totius anni nullæ sunt indictæ Stationes, & propterea fruente indulgentijs Stationum pro diebus Stationum, nequeunt in illis Ferijs quartis, vi talis privilegij ullam lucrari indulgentiam, nec pro vivis, nec pro defunctis. Ita Reverendiss. Stratus.

